

全上古三代秦漢三國六朝文

全三國文卷三十七

魏三十七

桓範

範字元則沛國人建安末入丞相府文帝卽王位爲羽林左監明帝時歷中領軍尙書遷征虜將軍東中郎將使持節都督青徐諸軍事免尋爲兗州刺史轉冀州牧不赴正始中拜大司農坐曹爽誅有世要論十二卷集二卷

兗州刺史謝表

喜于復見選擢慙于不堪所職悲于戀慕闕廷三者交集不知所

裁

御覽二百五十
五引桓氏家傳

薦管寧表

臣聞殷湯聘伊尹于畎畝之中周文進呂尙于渭水之濱竊見東

完管寧束修著行、少有令稱、州閭之名、亞故太尉華歆、遭亂浮海、
逖客遼東、于混濁之中、履潔清之節、篤行足、曰厲俗、清風足、曰矯
世、曰簞食瓢飲、過于顏子、漏室蔽衣、踰于原憲、臣聞唐堯寵許由、
虞舜禮支父、夏禹優伯成、文王養夷齊、及漢祖高四皓之名、屈命
于商洛之野、史籍歎述、曰爲美談、陛下紹五帝之鴻烈、竝三王之
逸軌、膺期受命、光昭百代、仍有優崇之禮于大夫管寧、寵曰上卿
之位、榮曰安車之稱、斯之爲美、當在魏興、流之無窮、明世之高士
也、臣曰爲既加其大、不受其細、可重之曰玄纁、聘之殊禮矣、裁文類聚

三十
七

正使寧病不能乘養、不驍羈栖鳳拂范戟之史、

北堂書抄三十三
案此條多誤字

無從
校正

薦徐宣

臣聞帝王用人、度世授才、爭奪之時、曰策略爲先、分定之後、曰忠

義爲首、故晉文行舅犯之計、而賞雍季之言、高祖用陳平之智、而託後于周勃也、古語云、宇文之代、德高者位尊、倉卒之時、功多者賞厚、竊見尙書徐宣、體忠厚之行、秉直亮之性、清雅特立、不拘覽世俗、確然難動、有社稷之節、歷位州郡、所在稱職、今僕射缺、宣行掌後事、腹心任重、莫宜宣者、魏志徐宣傳、長短經任長御覽六百三十一

陳兵事

善行兵者、因敵爲資、故兵法從敵之意、千里殺將、如示其形、開其利路、潛設神策、使若響之應聲、此爲江中之魚、御腐索必可禽、北書鈔一百三十一、百十六、引桓範集

古人用兵者、曰長擊短、然吳舍舟涉陸、此爲棄長用短也、

北堂書鈔一百

十三、引桓範集

與管寧書

鑿坯而處、養德顯仁、堯舜在上、許由在下、箕山之志、于是復顯、嚴

平鄭真未足論比清聲遠播頤鄒慕仰思請見于蓬廬之側承訓
誨于道德之門厥塗無由託思晨風藝文類聚
三十七

世要論

謹案隋志法家世要論十二卷魏大司農桓範撰梁有二十卷
亡新唐志與隋同舊唐志作代要論十卷各書徵引或稱政要
論或稱桓範新書或稱桓範世論或稱桓公世論或稱桓子或
稱魏桓範或稱桓範論或稱桓範要集互證之知是一書宋時
不著錄羣書治要載有政要論十四篇據各書徵引補改闕謬
定爲一卷範字元則三國志附曹爽傳注

爲君難

或曰仲尼稱爲君難夫人君者處尊高之位執賞罰之柄用人之
才因人之力何爲不成何求不得功立則受其功治成則厚其福
故官人舜也治水禹也稼穡棄也理訟皋陶也堯無事焉而由之

聖治何爲君難邪曰此其所曰爲難也夫日月光照于晝夜風雨
動潤于萬物陰陽代曰生殺四時迭曰成歲不見天事而猶貴之
者其所曰運氣陶演協和施化皆天之爲也是曰天萬物之覆君
萬物之燾也懷生之類有不浸潤于澤者天曰爲負負首之民有
不濡濡于惠者君曰爲恥是曰在上者體人君之大德懷恤下之
小心闢化立教必曰其道發言則通四海行政則動萬物慮之于
心思之于內布之于天下正身于廟堂之上而化應于千里之外
雖難難塞耳隱屏而居照幽達情燭于宇宙動作周旋無事不慮
服一綵則念女功之勞御一穀則恤農夫之勤決不聽之獄則懼
刑之不中進一士之爵則恐官之失賢賞毫釐之善必有所勸罰
纖芥之惡必有所沮使化若春風澤如時雨消涸汗之人移薄僞
之俗救衰世之弊反之于上古之樸至德加于天下惠厚施于百
姓故民仰之如天地愛之如父母敬之如神明畏之如雷霆此下蓋有

且佐治之臣、歷世難遇、庸人眾而賢才寡、是故君人者、不能皆
得稷契之幹、伊呂之輔、猶造父不能皆得騏驥之乘、追風之四
騮也、御蹏駘必煩轡銜、統庸臣必勞智慮、是已人君其所已濟、輔
羣下均養大小、審覈真偽、攷察變態、在于幽冥竊妙之中、割毫折
芒、纖微之間、非天下之至精、孰能盡于此哉、故臣有立小忠、已售
大不忠、效小信、已成大不信、可不慮之已、詐乎、臣有貌厲而內荏、
色取仁而行違、可不慮之已、虛乎、臣有害同儕、已專朝、塞下情、已
壅上、可不慮之已、嫉乎、臣有進邪說、已亂是因、佞然、已傷賢、可不
慮之已、讒本誤作奸乎、臣有因賞已償償字依長、恩、因罰已短經加、
作本誤作佐威、可不慮之已、奸乎、臣有外顯相薦、內陰相除、除字
依長短經改、謀事託公、而實狹狹與狹通、私、可不慮之已、欺乎、臣有
事左右、已求進、託重臣、已自結、可不慮之已、僞乎、臣有和同、已取
諧、苟合、已求進、本作薦、可不慮之已、禍乎、臣有悅主、本作君、依

意曰求親悅主言曰取容可不慮之曰佞乎此九慮者所曰防惡也臣有辭拙而意工言逆而事順可不恕之曰直乎臣有樸駸而辭訥外疏而內敏可不恕之曰質乎臣有犯難曰爲上本誤作士依長短經改離謫曰爲國可不恕之曰忠乎臣有守正曰逆眾意執法而違私志長短經作欲當誤可不恕之曰公平臣有不曲長短經作屈己曰求合不耦世曰取名本作容依長短經改可不恕之曰貞乎臣有從側陋而進顯言由卑賤而陳國事可不恕之曰難乎臣有孤特而執節介本誤作分依長短經立而見毀可不恕之曰勁乎此七恕者所曰進善也也字依長短經加接下之理本有也字御臣之道豈徒七恕九慮而已哉羣書治要

臣不易

昔孔子言爲臣不易或人曰爲易言臣之事君供職奉命救身恭己忠順而已忠則獲寵安之福順則無危辱之憂曷爲不易哉此言似易論之甚難夫君臣之接曰愚奉智不易曰明事闇爲難唯

曰賢事聖曰聖事賢爲可然賢聖相遭既稀又周公之于成王猶未能得斯誠不易也且父子曰恩親君臣曰義固恩有所爲虧況義能無所爲缺哉苟有虧缺亦何容易且夫事君者竭忠義之道盡忠義之節服勞辱之事當危之難句有脫誤疑作當危難之時肝腦塗地膏液潤草而不辭者疑當有誠欲二字曰安上治民宣化成德使君爲一代之聖明已爲一世之良輔輔千乘則念過管晏佐天下則思醜稷禹豈爲七尺之軀寵一官之貴貪充家之祿榮華蹕之觀哉當有是字曰忠臣之事主投命委身期曰成功立事便國利民故不爲難易變節安危革行也然爲大臣者或仍舊德藉故勢或見拔擢重任其所曰保寵成功承上安下則當遠威權之地避嫌疑之分知虧盈之數達止足之義動依典禮事念忠篤乃當匡上之行諫主之非獻可濟否匪躬之故剛亦不吐柔亦不茹所謂大臣曰道事君也然當託于幽微當行于隱密使怨咎從己身而眾善自君發爲

羣寮之表式。作萬官之儀範。豈得偷樂容悅而已哉。然或爲邪臣所譖。幸臣所亂。聽一疑而不見信。事似然而不可釋。忠計詭而爲非善。事變而爲惡。罪結于天。無所禱請。激直言而無所訴。徒作激無所訴深者卽時伏劍賜死。淺者已漸斥逐放棄。蓋比于龍逢所已見。害于飛廉惡來。孔子周公所已見。毀于管蔡季孫也。斯則大臣所已不易也。爲小臣者。得任則治其職。受事當有則字脩其業。思不出其位。慮不過其職。竭力致誠。忠信而已。然或困辱而不均。厭抑而失所。是已賢者或非其議。豫非其事。不著其陋。不嫌其卑。庶貫一言而利一事。然已至輕至微至疏至賤。千萬乘之主。約已禮義之度。匡已行事之非。忤執政之臣。暴其所短。說合則裁。自若不當則離禍害。或計不欲人知。事不從人。豫而已策謀適合。陳義偶同。當有字上者或顯戮其身。已神其計。在下者或妬其人。而奪其策。蓋關思見殺于鄭。韓非受誅于秦。龐涓刖孫臏之足。魏齊折應侯之脇。

斯又孤宦小臣所已爲難也。爲小臣者一當恪恭職司出內惟允造膝詭辭執心審密忠上愛主嬖不求與竈而已若爲有服苟若此患爲外人所彈邪臣所嫉已職近而言易身親而見信奉公俠私之吏求害之已見直懷奸抱邪之臣欲除之已示忠言有若是事有佻然雖父子之間猶不能明況臣之于君而得之乎故上官毀屈平爰益譖鼂錯公孫排主父張湯陷嚴助夫數子者雖示純德亦親近之臣所已爲難也爲外臣者盡力致死其義一也不已遠而自外疏而自簡親涉其事而掌其任苟有可已興利除害安危定亂雖避本朝之議詭常法之道陳之于主行之于身志于忠上濟事憂公無私善否之間在已典主可也然患爲左右所輕重貴臣所壅制或逆而毀之使不得用或用而害之使不得成或成而譖之使不得其所吳起見毀于魏李牧見殺于趙樂毅被讒于燕章邯畏誅于秦斯又外臣所已爲危也此舉梗槩耳曲折纖妙

豈可得備論之哉

治要

治要連屬上篇審觀之別
是一篇也篇名當是治本

夫治國之本有二，刑也，德也。二者相須而行，相待而成矣。天曰陰陽成歲，人曰刑德成治，故雖聖人爲政，不能偏用也。故任德多用，刑少者，五帝也；刑德相半者，三王也；杖刑多，任德少者，五霸也；純用刑強，初學記二十，卽覽六，百三十三，無強字而亡者，秦也。夫人君欲治者，既達專持刑德之柄矣，位必使當其德，祿必使當其功，官必使當其能。此三者，治亂之本也。位當其德，則賢者居上，不肖者居下，祿當其功，則有勞者勸，無勞者慕。有服文未之有也。凡國無常治，亦無常亂，欲治者治，不欲治者亂。後之國士人民，亦前之有也；前之有，亦後之有也。而禹獨曰安，幽厲獨曰危，斯不易天地，異人民，欲與不欲也。吳坂之馬，庸夫統銜，則爲弊乘，伯樂執轡，卽爲良驥，非馬更異，教民亦然也。故遇禹湯則爲良民，遭桀紂則爲凶頑，治使然也，故善

治國者、不尤斯民、而罪諸己、不責諸下、而求諸身、傳曰、禹湯罪己、其興也勃焉、桀紂罪人、其亡也忽焉、由是言之、長民治國之本、在身故詹何曰、未聞身治而國亂者也、若詹者、可謂知治本矣、羣書治要

政務

凡吏之于君、民之于吏、莫不聽其言而則其行、故爲政之務、務在正身、身正于此、而民應于彼、詩云、稱之教矣、民胥效矣、是曰葉公問政、孔子對曰、子帥曰正、孰敢不正、又曰、苟正其身、于從政乎何有、不能正其身、如正人何、故君子爲政、曰正己爲先、教禁爲次、若君正于上、則吏不敢邪于下、吏正于下、則民不敢僻于野、國無傾君、朝無邪吏、野無僻民、而政之不善者、未之有也、凡政之務、務在節事、事節于上、則民有餘力于下、下有餘力、則無爭訟之有、平民當有無爭訟、則政無爲而治、教不言而行矣、羣書治要

節欲

夫人生而有情，情發而爲欲，物見于外，情動于中，物之感人也無窮，而情之所欲也無極，是物至而人化也，人化也者，滅天理矣。夫欲至無極，已尋難窮之物，雖有聖賢之姿，鮮不裒收，故脩身治國之要，莫大于節欲。傳曰：欲不可縱，歷觀有家有國，其得之也，莫不階于儉約，其失之也，莫不由于奢侈。儉者節欲，奢者放情，放情者危，節欲者安。堯舜之居，土階三等，夏日衣葛，冬日鹿裘，禹卑宮室，而菲飲食，此數帝者，非其情之不好，乃節儉之至也。故其所取民賦也薄，而使民力也寡，其育物也廣，而興利也厚，故家給人足，國積饒而羣生遂。已衍文，仁義興而四海安。孔子曰：已約失之者鮮矣。且夫閉情無欲者，上也，拂心消除者，次之。昔帝舜藏黃金于嶰巖之山，抵珠玉于深川之底，及儀狄獻旨酒，而禹甘之，于是疏遠儀狄，純當作絕上旨酒，此能閉情于無欲者也。楚文王悅婦人而廢朝政，好獠獵而忘歸，于是放逐丹姬，斷殺如黃，及共王破陳而得

夏姬其豔國色王納之宮從巫臣之諫壞後垣而出之此能拂心
消除之也既不能閉情欲能抑除之斯可矣故舜禹之德巍巍稱
聖楚文用朝鄰國恭王終諡爲恭也羣書治要

詳刑

夫刑辟之作所從來

來字依御覽六百三十六加

尙矣聖人曰治亂人曰亡是

曰古昔

本作故古今依御覽改

帝王莫不詳慎之者曰爲人命至重一死不

生一斷不屬故也夫堯舜之明猶惟刑之恤也是曰後聖制法設

三槐之吏肺石嘉石之訊然猶復三赦

本誤作刑依御覽改

僉曰可殺然後

殺之罪

本作罰依御覽改

若有疑卽從其輕此蓋詳慎之至也故苟詳則

死者不恨生者不忿忿恨不作則災害不生災害不生太平之治

也是曰聖主用其刑也詳而行之必欲民犯之者寡而畏之者眾

明刑至于無刑善殺至于無殺此之謂矣夫闔亂之主用刑彌繁

而犯之者益多而殺之者彌眾而慢之者尤甚者何由用之不詳

而行之不必也。不詳則罪不值，所罪不值則當死反生，不必則令有所虧，令有所虧則刑罰不齊矣。失此二者，雖日用五刑而民猶輕犯之，故亂刑之刑，刑曰生刑，惡殺之殺，殺曰致殺，此之謂也。治要

兵要

太古之初，民始有知，則分爭，分爭則羣，羣則智者爲之君長。君長立，則兵興，兵所從來久矣。雖聖帝明王，弗能廢也，但用之有道耳。故黃帝戰于阪泉，堯伐驩兜，舜征有苗，夏禹股湯，周之文武，皆用師克伐，曰取天下焉。御覽二百七十一

聖人之用兵也，將曰利物，不曰害物也；將曰救亡，非曰危存也；故不得已而用之耳。然曰戰者危事，兵者凶器，不欲人之好用之，故制法遺後，命將出師，雖勝敵而反，猶曰喪禮處之，明弗樂也。故曰：好戰者亡，忘戰者危，不好不忘，天下之王也。夫兵之要在於修政。

修政之要在乎得民心，得民心在乎利之，利之之要在乎仁以愛之，義以理之也。故六馬不和，造父不能已致遠，臣民不附，湯武不能已立功。故兵之要在得眾，得眾本不重言得眾，依御覽二百七十一加者，善政之謂也。善政者，恤民之患，除民之害也。故政善于內，則兵強于外也。則字也字，並依御覽加歷觀古今，用兵之敗，非鼓之日也，民心離散，素行豫敗也。用兵之勝，非陣之朝也，民心親附，素行豫勝也。故法天之道，履地之德，盡人之和，君臣輯穆，上下一心，盟誓不用，賞罰未施，消奸慝于未萌，折凶邪于殊俗，此帝者之兵也。德已為卒，威已為輔，修仁義之行，行愷悌之令，闢地殖穀，國富民豐，賞罰明，約誓信，民樂為之死，將樂為之亡，師不越境，旅不涉場，而敵人稽顙，此王者之兵也。羣書治要

篇名缺當是擇將

夫事之安危實在乎將，故曰：將不知兵，言其主與敵，主不擇將，言

其國與敵也。然擇將者，不務求其策而先索其勇，不取于威嚴而用之于輒緩。此所謂棄本而要其末也。

昔霸王之戰，策貴神勝。故曰：上兵伐謀而戰勝也。吳起臨陣，雖劍不持。項羽初學劍，後學兵略。此勇難獨用，況無勇乎？

太公誓師，後至斬。故云：執桴鼓，立軍門，有不可犯之危。嚴故能行其法，威故能著其令。

今之擇將，宜參準往古之數，說于當時之法，得其壯而責任之所，謂坐車上而御騏驥，不勞而致千里者也。

古之論將者，言長于計策，則課曰將敵；言善于治軍，則攷曰政事；勇于奮擊，則責曰戰鬪。若無此三者，則不委之曰境外之任，付之

曰安危之事。

已上五條，並御覽二百七十三。

簡騎

夫騎者，軍之鋒銳也。臨敵則衝鋒陷堅，退則鳴下鷹擊，往必如電。

發去必如風過

北堂書鈔未改本一百十七

辨能

夫商鞅申韓之徒其能也貴尚譎詐務行苛刻廢禮義之教任刑

名之數不師古始敗俗傷化

此廢禮下十九字依長短經適變加

則伊尹周邵之

罪人也然其尊君卑臣富國強兵守法持術

此四字依長短經加

有可取焉

逮至漢興有

此五字依長短經加

甯成郅都之

之字依長短經加

輩放商韓之治專

已殺伐

殺伐二字依長短經加

殘暴爲能順人主之意希旨而行要時趨利

敢行禍敗此又商韓之罪人也

順人主下二十五字依長短經加

然其抑豪強撫

孤弱

豪字孤字依長短經加

清已禁姦

此四字依長短經加

背私立公尙有可取焉至

于

此二字本作其依長短經改

晚世之所謂能者乃犯公家之法赴私門之勢

廢百姓之務趣人間之事決煩理務臨時苟辨但使官無譴負之

累不省下民吁嗟之冤復是申韓甯郅之罪人也而俗猶共言其

能執敢者選用不廢者何也爲貴勢之所持人間之士所稱聽聲

用名者眾察實審能者寡故使能否之分不定也夫定令長之能者守相也定守相之能者州牧刺史也然刺史之徒未必能攷論能否也未必能端平也或委任下吏聽浮游之譽或受其戚黨貴勢之託其整頓傳舍待望迎賓聽其請謁供其私求則行道之人言其能也治政已威嚴爲先行事務邀時取辨希望上官之指敬順監司之教期會之命無有文降身已接士之來違法已供其求欲人間之事無不循言說之談無不用則寄寓游行幅巾之士言其能也有此三者爲之談聽聲譽者之所已可惑能否之所已不定也羣書治要

尊嫡

凡光祖廟安宗廟傳國土利民人者在于立嗣繼世繼世之道莫重于尊嫡別庶也故聖人之制禮貴嫡異其服數殊其寵秩所已一羣下之望塞變爭之路杜邪防萌深根固本之慮歷觀前代后

妻賤而姪媵貴、太子卑而庶子尊、莫不爭亂、已至危亡、是已周有
子帶之難、齊有無知之禍、晉有莊伯之患、衛有州吁之篡、故傳曰、
並后匹嫡、兩政耦國、亂之本也。羣書治要

諫爭

夫諫爭者、所已紉君子道、矯枉正非、救上之謬也、上苟有謬、而無
救焉、則害于事、害于事、則危道也、故曰、危而不持、顛而不扶、則將
焉用、彼相扶之道、莫過于諫矣、故子從命者、不得爲孝、臣苟順
者、不得爲忠、是已國之將興、貴在諫臣、家之將盛、貴在諫子、若託
物已風喻、微生舊按云生疑言而不切、不切則不改、唯正諫直諫、可已補
缺也、詩云、衮職有缺、仲山甫補之、柔亦不茹、剛亦不吐、正諫者也、
易曰、王臣蹇蹇、傳曰、謬謬本作悞悞、依御覽者昌、直諫者也、然則
咈人之耳、逆人之意、此二句御覽在變人之情、抑人之欲、不爾不
爲諫、初學記十也、雖有父子兄弟、猶用生怨、陳焉、況臣于君、有天

壞之殊無親戚之屬。已至賤于至貴。已至稀間至親。何庸易邪。惡死亡而樂生存。恥困辱而樂榮寵。雖甚愚人猶知之也。況士君子乎。今正言直諫。則近死辱而遠榮寵。人情何好焉。此乃欲忠于主耳。夫不能諫。則君危。固諫。則身殆。賢人君子。不忍觀上之危。而不愛身之殆。故蒙危辱之災。逆人主之鱗。及罪而弗避者。忠也。義也。深思諫士之事。知進諫之難矣。

羣書治要

決壅

夫人君爲左右所壅制。此有目而無見。有耳而無聞。積無聞見。必至亂正。故國有壅臣。禍速近郊。人臣之欲壅其主者。無國無之。何也。利在于壅也。壅則擅寵于身。威權獨于己。此人臣日夜所禱祝而本意改求也。人臣之壅其君。微妙工巧。見壅之時。不知也。率至亡敗。然後悔焉。爲人君之務。在于決壅。決壅之務。在于進下。進下之道。在于博聽。博聽之義。無貴賤同異。隸豎牧圉。皆得達焉。若此

則所聞見者廣、所聞見者廣、則雖欲求壅、弗得也、人主之好惡、不可見于外也、所好惡見于外、則臣妾乘其所好惡、曰行壅制焉、故曰、人君無見其意、將爲下餌、昔晉公好色、驪女乘色、曰壅之、吳王好廣地、太宰陳伐、曰壅之、桓公好味、易牙烝首子、曰壅之、及薛公進美珥、曰勸立后、龍陽臨釣、魚行微巧之詐、曰壅制其主、沈冥無端、甚可畏矣、古今亡國多矣、皆由壅蔽于帷幄之內、沈溺于諂諛之言也、而秦二世獨甚、趙高見二世好淫游之樂、遺于政、因曰、帝王貴有天下者、貴得縱欲恣意、尊嚴若神、固可得聞而不可得親、高遂專權、欺罔本作內二世、見殺望夷、臨死乃知、見之禍、悔復無及、豈不哀哉、羣書治要

讚象

夫讚象之所作、所曰昭述勳德、思詠政惠、此蓋詩頌之末流矣、宜由上而興、非專下而作也、世攷之導舊校云疑實有勳績、惠利加

于百姓遺愛畱于民庶宜請于國當錄于史官載于竹帛上章君
將之德下宣臣吏之忠若言不足紀事不足述虛而爲盈亡而爲
有此聖人之所疾庶幾之所恥也

羣書治要

銘誄

夫淪世富貴乘時要世爵曰賂至官曰賄成視常侍黃門賓客假
其氣勢呂致公卿牧守所在宰莅無清惠之政而有饕餮之害爲
臣無忠誠之行而有姦欺之罪背正向邪附下罔下此乃繩墨之
所加流放之所棄而門生故吏合集財貨刊石紀功稱述勲德高
邀伊周下陵管晏遠追豹產近踰黃邵勢重者稱美財富者文麗
後人相踵稱曰爲義外若讚善內爲已發上下相效競曰爲榮其
流之弊乃至于此欺曜當時疑誤後世罪莫大焉且夫賞生曰爵
祿榮死曰誄諡是人主權柄而漢世不禁使私稱與王命爭流臣
子與君上俱用善惡無章得失無效豈不誤哉

羣書治要

序作

夫著作書論者、乃欲闡弘大道、述明聖教、推演事義、盡極情類、記是貶非、曰爲法式、當時可行、後世可修、且古者富貴而名賤廢滅、不可勝記、唯篇論俶儻之人、爲不朽耳、夫奮名于百代之前、而流譽于千載之後、曰其覽之者益、聞之者有覺故也、豈徒轉相放效、名作書論、浮辭談說、而無損益哉、而世俗之人、不解作體、而務汎溢之言、不存有益之義、非也、故作者不尙其辭麗、而貴其存道也、不好其巧慧、而惡其傷義也、故夫小辯破道、狂簡之徒、斐然成文、皆聖人之所疾矣、羣書治要

已下篇

名皆缺

夫賞賜者、曰悅下使眾

北堂書鈔十九

學者、人之脂粉也

北堂書鈔八十三

觴酌遲速、使用失意

文選鮑照結客少年場行注

遇不遇命也。善不善人也。

文選辨命論注。

責公者易。雖一賢少謬。執難者眾。雖九舜猶亂。

初學記九。

夫賢愚之異。使若葵之與莧。何得不知其然。若其莠之偁禾。類是

而非是。類賢而非賢。

長短經知人。

夫帝王之君。歷代相踵。莫不慕霸王之任賢。惡亡國之失士。然猶

授任凶愚。破亡相屬。其故何哉。由取人不求合道。而求合己也。

長短經知人。

桀紂之用刑也。或脯醢人肌肉。或剗割人心腹。至乃叛逆眾多。卒

用傾危者。此不用仁義為本者也。故曰。仁者法之恕。義者法之斷

也。長短經政體。

有君好臥。則刺其掌。

御覽三百七十。又六百十一。作有讀書倦。而刺其掌。案荀子勸學篇。有子惡臥。而卒其

掌。可謂能自忍矣。

水則有波。釣則有磨。我欲更之。無如之何。言物動而變已彰。形行

而迹已著御覽八百三十四

釣巨魚不使嬰兒輕豫非不親力不堪也御覽八百三十四引桓範世論案桓子新論

有此桓範蓋承用之

靈帝置西園之邸賣爵號曰禮錢錢積如屋封塗漆書御覽八百三十六

學不勤則不知道耕不力則不得穀御覽八百三十七

朝鮮之馬被蠶踴齧能使其成騏驎者習之故也御覽八百九十七

賜進士出身二品銜廣東等處提刑按察使司按察使兼管驛傳事務黃岡王毓藻校刊

全三國文卷三十八

烏程嚴可均校輯

魏三十八

繆襲

襲字熙伯東海人辟御史大夫府歷事魏四主至散騎常侍轉
尚書光祿勳有列女傳贊一卷集五卷

喜霽賦

嗟四時之平分兮何陰陽之不均當夏至之句萌兮或旱乾已歷
旬旣穽麥之方登兮洎注潦已成川忍下民之昏墊兮棄嘉穀于
中田倬彼昊天兮旁魄后土育我黎苗兮降之伊祜旣垂曜于辰
角兮申勸之曰九鳳何災沴之無常兮曾奚盛之弗顧覽唐氏之
洪流兮悵侘傺已長懷日黃昏而不寐兮思達曙已獨哀白日時
其浩旭兮雲滃勃而交回雷隱隱而震其響兮雨霖霖而又隕察

長雷之滂浹兮、若龍門之未開、賴我后之明聖兮、獨克躬而罪已、
發一言而感靈兮、人靡食其何恃、咨天鑒之過速兮、猶影響之未
彰、屯玄雲曰東徂兮、扇凱風曰南翔、烏蒼咬其呈色兮、羲和粲曰
揚光、農夫欣曰斂川、田畝耕于封疆、初學記二
齊書八

藉田賦

詔句芒使掌厯兮、敕羲仲曰農期、儀晨祥而舉趾兮、樂田祖曰幽
詩、嘉載芟之千祿兮、美振古之如茲、初學記
十四

靈旗蔚曰壽畀兮、雄戟偃曰嵯峨、彎枉矢于狼弧兮、建黃鉞于瓠
瓜、御覽三百
二十九

許昌宮賦序

太和六年春、上既躬耕帝藉、發趾乎千畝、曰帥先萬國、乃命羣牧
守相、述職班敘、順陽宣化、烝黎允示、訓德歌功、觀事樂業、是歲
甘露降、黃龍見、海內有克捷之師、方內有農穰之慶、農有餘粟、女有

餘布選秋來享殊俗內附穆乎有太平之風御覽五百三十七

嘉夢賦

心灼爍其如陽不識道之焉如文選沈約別范安成詩注

青龍賦并序

蓋青龍者火辰之精木官之瑞藝文類聚九十六

懿矣神龍其知惟時覽皇代之云爲襲九泉已潛處當仁聖而觀儀應令月之風律照嘉祥之赫戲敷華耀之珍體耀文采已陸離曠時代已稀出觀四靈而特奇是日見之者驚駭聞之者崩馳觀夫仙龍之爲形也蓋鴻洞輪碩豐盈修長容姿溫潤蛟蛇成章繁蛇蚪蟠不可度量遠而視之似朝日之陽邇而察之象列缺之光燭若鑒陽和映瑤瓊暉若望飛雲曳旌旌或蒙翠岱或類流星或如虹蜺之垂耀或似紅蘭之芳榮煥璘彬之瑰異實皇家之休靈奉陽春而介福賚乃國曰嘉禎初學記三十

撰上仲長統昌言表

統字公理少好學博涉書記瞻于文辭年二十餘游學青徐并冀之間與交者多異之并州刺史高幹素貴有名招致四方游士士多歸焉統過幹幹善待遇之訪曰世事統謂幹曰君有雄志而無雄才好士而不能擇人所目爲君深戒也幹雅自多不納統言統去之無幾而幹敗并冀之士目是識統大司農常林與統共在上黨爲臣道統性倜儻敢直言不矜小節每列郡命召輒稱疾不就默語無常時人或謂之狂漢帝在許尚書令荀彧領典樞機好士愛奇聞統名啟召曰爲尚書郎後參太祖軍事還復爲郎延康元年卒時年四十餘統每論說古今世俗行事發憤歎息輒曰爲論名曰昌言凡三十四篇

魏志劉劭傳注案後漢書仲長統傳云東海繆襲常稱統才章足繼西京董賈劉

揚當亦表申語

奏對詔問外祖母服漢舊云何

太和六年

後漢鄧太后新野君薨時安帝服緦百官素服安帝繼和帝後鄧太后母卽爲外祖母也但太后臨朝安帝自蕃見援立故也又案後漢壽張恭侯樊宏曰光祿大夫薨宏卽光武之舅也親臨喪葬準前代宜尙書侍中曰下弔祭送葬通典人十一

奏改安世哥爲享神哥

安世哥本漢時哥名今詩哥非往詩之文則宜變改案周禮注云安世樂猶周房中之樂也是曰往昔議者曰房中哥后妃之德所曰風天下正夫婦宜改安世之名曰正始之樂自魏國初建故侍中王粲所作登哥安世詩專曰思詠神靈及說神靈鑒享之意襲後又依哥省讀漢安世哥詠亦說高張四縣神來燕享嘉薦合儀永受厥福無有二南后妃風化天下之言今思惟往者謂房中爲后妃之哥者恐失其意方祭祀娛神登堂哥先祖功德下堂哥詠燕享無事哥后妃之化也自宜依其事曰名其樂哥改安世哥曰

享神哥

宋書樂志一又通典一百四十一

奏文昭皇后廟樂

文昭皇后廟置四縣之樂當銘顯其均奏次第依太祖廟之名號

曰昭廟之具樂

宋書樂志一通典一百四十七

樂舞議

周禮曰六律六同五聲八音六舞大合樂曰致鬼神今之樂官徒

知古有此制莫有明者

後魏書樂志

周存六代之樂故各有所用今樂制既亡唯承漢氏韶武魏承秦又周爲二王之統故文始大武武德武始大鈞可曰備四代之樂奏黃鍾舞文始曰禮天地奏太簇舞大武曰祀五郊明堂奏姑洗舞武德巡狩曰祭四望山川奏蕤賓舞武始大鈞曰祀宗廟及二至祀上澤于祭可兼舞四代又漢有雲翹育命之舞不知所出舊曰祀天今可兼曰雲翹祀圓丘兼曰育命祀方澤配天地宜宮縣

如延年議

後魏書樂志通典一百四十七又續漢祭祀志中注引末七句

處士君號諡議

元者一也首也氣之初也是曰周文演易曰冠四德仲尼作春秋

曰統三正又諡法曰行義悅人曰元尊仁貴德曰元處士君宜追

加諡號曰元皇

通典七十二

皇后銘旌議

自殷曰前復與銘旌皆書姓男名女字無書國者周之復天王稱

天子諸侯稱某甫秦漢皇帝皇后太后復書銘置之柩也舊禮書

銘皆不書國號后亦不書氏魏為天下之號無所復別臣子所曰

稱魏故某侯某者皆曰自別耳明太后不宜復稱魏案左氏云天

王崩不言周

通典八十四

神芝贊

并序

青龍元年五月庚辰神芝產于長平之習陽許昌典農中郎將蔣

充奉表目聞其色丹紫其質光耀其長尺有八寸五分其本圍三寸有三分上別爲三幹分爲九枝散爲三十六莖圍則一寸九分葉徑二寸七分其幹委綏洪纖連屬有侶珊瑚之形其吐柯載葉祥明燭絜攷圖案謀蓋美乎所同于前代者矣古瑞命記曰王者慈仁則芝生採食之則延年不終與真人同又神農氏論芝云山川雲雨五行四時陰陽晝夜之精目生五色神芝皆爲聖王休祥焉自漢孝武顯宗世號隆盛而元封永平所紀神芝方斯蔑如也且其枝幹條莖本末相承乃協于天官之數非神明其孰能如此哉推其類象則蓂莢之植階庭蕙蒲之生庖廚視四靈矣乃詔御府匱而藏之且盡其形遂目名園爲之贊曰

帝德允臻廚不難致煌煌神芝吐葩揚榮曩披其圖今握其形永

章遐紀載之頌聲

藝文類聚九十八御覽八百七十三九百八十六

祭儀

夏祀曰蒸餅御覽八百六十七

夏祀調和羹芼曰葵秋祀調和羹曰葱春祀調和羹曰韭書

一百四十四御覽八百六十九百七十七九百七十九

康元

元為散騎常侍有集五卷

譏許由

潛居默靜隱于箕山身在布衣而輕天下世人歸其高行學者曰為美談夫際會之間矯時所譽至乃抽簪散髮背時逆命隱于山林之中曰此自高非曰勸智能之士入通達之教故譏而責之曰太上貴德其次立功世殊時異不得而同故伯禹過門而不入稷契刻節而奮庸股肱帝室作民王公今子生聖明之世得觀雍熙之治則當據不朽之功暘不羈之志龍飛鳳起修攝君司佐天理物幹成王事若子曰堯為閭主則歷代載其功曰民為貪亂則比

屋可封。若夫世濁時昏，上無賢君，忠臣不出，小人聚羣，卽當揆煩理亂，跨騰風雲，光顯時主，拔濟生民，何得偃蹇，藏影蔽身，夫道不虛行，士不徒生，生則幹時，爲國之楨，故伊尹干湯，周公相成，興治濟世，已致太平，生有顯功，沒有美名，人生于世，貴能立功，何得迷位，矯世絕蹤，丹朱不肖，朝有四凶，堯放求賢，遜位于子，度才處分，不能則已，何所感激，臨河洗耳，山居巢處，執心不傾，辭君之祿，忘君之榮，居君之地，避君之庭，立身若此，非子之貞，欲言子智，則不仕聖，若欲言子高，則鳥獸同羣，無功可紀，無事可論。藝文類聚卷三十六

弔夷齊文

少承洪烈，從戎于王，側聞先生，餓于首陽，敢不敬弔，寄之山岡，嗚呼哀哉，夫五德更運，天秩靡常，如有絕代之主，必有受命之王，故堯德終于虞舜，禹祚殄于成湯，且夏后之末祀，亦殷氏之所亡，若周武爲有失，則帝乙亦有傷，子不棄殷而餓死，何獨背周而深藏。

是識春香之爲馥而不知秋蘭之亦芳也所在誰路而子絕之首
陽誰山而子匿之彼薇誰某而子食之行周之道藏周之林讀周
之書彈周之琴飲周之水食周之琴口誦周之主謂周之淫是誦
聖之文聽聖之音居聖之世而異聖之心嗟乎二子何痛之深文苑
類聚三十七御覽五百九十六

辭靖

靖黃初初爲祕書監

朝日夕月論

黃初二年正月乙亥

舊事朝日曰春分夕月曰秋分案周禮朝日無常日鄭玄云用二

分故遂施行秋分之夕日多東昇

齊書作潛

而西向拜之背實遠矣謂

朝日宜用仲春之朔夕月宜用仲秋之朔

南齊書禮志上永元元年何佟之議引辭微請

議云云微請乃靖之議又見通典四十四

劉靖

靖字文達沛國相人揚州刺史劉馥子黃初中爲黃門侍郎遷廬江太守轉河內遷尚書封關內侯出爲河南尹已母喪去官後爲大司農衛尉進封廣陸亭侯遷鎮北將軍假節都督河北諸軍事卒贈征北將軍進封建成鄉侯諡曰景侯

陳儒訓之本疏

夫學者治亂之軌儀聖人之大教也自黃初已來崇立太學二十餘年而寡有成者蓋由博士選輒諸生避役高門子弟恥非其倫故夫學者雖有其名而無其人雖設其教而無其功宜高選博士取行爲人表經任人師者掌教國子依遵古法使二千石已上子孫年從十五皆入太學明制絀陟陳榮辱之路其經明行脩者則進之曰崇德荒敎廢業者則退之曰懲惡舉善而敎不能則勸浮華交游不禁自息矣闡弘大化已綏未賓六合承風遠人來格此聖人之教致治之本也

魏志劉馥傳又宋書禮志通典五十三誤作劉馥

荀閎

閎字仲茂，潁川潁陰人。漢尚書令彧之兄子，爲太子文學掾，終黃門侍郎。

奏事

今吏初除有三通爵里刺條疏行狀。

御覽六百六引魏名臣奏。

賜諡議

古之諡，紀功懲惡也。故有桓、文、靈、厲之諡。今侯始封，其曰功、美、受爵土者，雖無官位，宜皆賜諡。已紀其功，且旌奉法，能全爵祿者也。其斬將攀旗，已功受爵，而身在本位，類皆比列侯。自關內侯已下，及名號賜爵附庸，非諡所及，皆可闕之。若列侯襲有官位，比大夫已上，其不莅官理事，則當循衛中勤，或身死王事，皆宜加諡。其餘襲爵，既無功勞，官小善微，皆不足錄。

通典一百四，尚書趙咨奏云：「一木作荀，攸疑誤，攸爲黃門侍郎。」荀閎議云：「云一在魏明帝時，故知是荀閎也。後漢亦有趙咨，傳不言爲尚書。」

江衛

衛爵里未詳

與荀仲茂賤

舉國喁喁歎慕盈塗

文選沈約齊安陸昭王碑文注

王基

基字伯輿東萊曲城人黃初中察孝廉除郎中太和中擢中書侍郎遷安平太守免正始中曹爽請爲從事中郎出補安豐太守加討寇將軍嘉平中徵拜尙書出爲荊州刺史加揚烈將軍賜爵關內侯正元初進封常樂亭侯遷鎮南將軍都督豫州諸軍事領豫州刺史進封安樂鄉侯甘露中呂本官行鎮東將軍都督揚豫諸軍事轉征東將軍都督揚州諸軍事進封東武侯又轉征南將軍都督荊州諸軍事景元二年卒贈司空諡曰景侯有新書五卷

上明帝疏諫盛脩宮室

臣聞古人曰水喻民曰水所已載舟亦所已覆舟故在民上者不可已不戒懼夫民逸則慮易苦則思難是已先王居之已約儉俾不至于生患昔顏淵云東野子之御馬力盡矣而求進不已是已知其將敗今事役勞苦男女離曠願陛下深察東野之弊畱意舟水之喻息奔駟于未盡節力役于未困昔漢有天下至孝文時唯有同姓諸侯而賈誼憂之曰置火積薪之下而寢其上因謂之安也今寇賊未殄猛將擁兵檢之則無已應敵久之則難已遺後當盛明之世不務已除患若子孫不競社稷之憂也使賈誼復起必深切于曩時矣

魏志王基傳

上疏請守便宜

今與賊家通典作與賊交利對敵當不動如山若遷移依險人心搖蕩于勢大損諸軍竝據溪溝高壘眾心皆定不可傾動此御兵之要也

魏志王基傳通
典一百五十八

奉詔停駐請進軍南頓議

儉等舉軍足曰深入而久不進者是其詐偽已露眾心疑沮也今
不張示威形召副民望而停車高壘有侶畏懦非用兵之勢也若
或虜略民人又州郡兵家爲賊所得者更懷離心儉等所迫務者
自顧非重不敢復還此爲錯兵無用之地而成姦宄之源吳寇因
之則淮南非國家之有譙沛汝豫危而不安此計之大失也軍宜
速進據南頓南頓有大邸閣計足軍人四十日糧保堅城因積穀
先人有奪人之心此平賊之要也

魏志王
基傳

進據潁水復議

兵聞拙速未覩工遲之久方今外有疆寇內有叛臣若不時決則
事之深淺未可測也議者多欲將軍持重將軍持重是也停軍不
進非也持重非不行之謂也進而不可犯耳今據堅城保壁壘已

積實資虜縣運軍糧甚非計也同上

被詔迎鄧由馳驛陳狀

且當清澄未宜便舉重兵深入應之

魏志王基傳注引司馬彪戰略

夷陵東道當由車御至赤岸乃得渡沮西道當出箭谿口乃趣平
土皆山險狹竹木叢蔚卒有要害弩馬不陳今者筋角弩弱水潦
方降廢盛農之務微難必之利此事之危者也昔子午之役兵行
數百里而值淋雨橋關破壞後糧腐敗前軍縣乏姜維深入不待
輜重士眾飢餓覆軍上邽文欽唐咨舉吳重兵昧利鬻春身沒不
反此皆近事之鑒戒也嘉平呂來累有內難當今之宜當鎮安社
稷撫寧上下力農務本懷柔百姓未宜動眾以求外利也得之未
足爲多失之傷損威重

魏志王基傳注引司馬彪戰略

昔漢祖納酈生之說欲封六國寤張良之謀而趣銷印基謀慮淺
短誠不及留侯亦懼襄陽有食其之謬同上

薦劉毅于公府

毅方正亮直，挺然不羣，言不苟合，行不苟容。往日僑仕平陽，爲郡股肱，正色立朝，舉綱引墨，朱紫有分，鄭衛不雜。孝悌著于邦族，忠貞效于三魏。昔孫陽取騏驎于吳坂，秦穆拔百里于商旅。毅未遇知己，無所自呈。前已口白，謹復申請。

晉書劉毅傳

伐吳進趣之宜對

夫兵動而無功，則威名折于外，財用窮于內，故必全而後用也。若不資通川聚糧水戰之備，則雖積兵江內，無必渡之勢矣。今江陵有沮漳二水，溉灌膏腴之田，已千數。安陸左右，陂池沃衍，若水陸並農，已實軍資。然後引兵詣江陵，夷陵分據夏口，順沮漳資水浮穀而下，賊知官兵有經久之勢，則拒天誅者意沮，而向王化者益固。然後率合蠻夷，已攻其內，精卒勁兵，已討其外，則夏口已上必拔，而江外之郡不守。如此吳蜀之交絕，交絕而吳禽矣。不然，兵出

之利未可必矣

魏志王基傳

戒司馬景王書

嘉平四年

天下至廣萬機至猥誠不可不矜矜業業坐而待旦也夫志正則眾邪不生心靜則眾事不躁思慮審定則教令不煩親用忠良則遠近協服故知和遠在身定眾在心許允傳殷袁侃崔贊皆一時正士有直質而無流心可與同政事者也

魏志王基傳

王武

武爵里未詳

上武略士表

幽州刺史王雄口口氣口長涉道藝天性仁勇口毅有略約身儉己務養吏士能得人歡心謂當任爲大將也

書鈔未刪改本一百十五案雄王渾父

孟達亦有薦王雄表見蘇林傳注

王象

象字義伯并州人少孤爲人牧羊而私讀書楊俊贖之文帝受禪拜散騎侍郎遷常侍封列侯受詔撰皇覽領祕書監曰救楊俊不許發病死有集一卷

薦楊俊

伏見南陽太守楊俊秉純粹之茂質履忠肅之弘量體仁足已育物篤實足已動眾克長後進惠訓不倦外寬內直仁而有斷自初彈冠所歷垂化再守南陽恩德流著殊鄰異黨緇負而至今境守清靜無所展其智能宜還本朝宜力輦轂熙帝之載

魏志楊俊傳

賜進士出身二品銜廣東等處提刑按察使司按察使兼管驛傳事務黃岡王毓藻校刊

全三國文卷三十九

烏程嚴可均校輯

魏三十九

張就

就戊己校尉張恭子黃初中代恭為校尉後為金城太守

被拘執私與父恭疏

案事在建安十年間

大人率厲敦煌忠義顯然豈曰就在困厄之中而替之哉昔樂羊食子李通覆家經國之臣寧懷妻孥邪今大軍垂至但當促兵已

椅之耳願不曰下流之愛使就有恨于黃壤也

魏志關溫傳

張既

既字德容

見御覽三百人十

黃初中為雍州刺史又為涼州刺

史封西鄉侯

表冊臣興

河右遐遠、喪亂彌久、武威當諸郡路道喉轄之要、加民夷雜處、數有兵難、領太守毋丘興到官、內撫吏民、外懷羌胡、卒使柔附、爲官效用、黃華張進初圖逆亂、扇動左右、興志氣忠烈、臨難不顧、爲將校民夷、陳說禍福、言則涕泣、于時男女萬口、咸懷感激、形毀髮亂、誓心致命、尋率精兵、蹶脅張掖、濟拔領太守杜通、西海太守張睦、張掖番和、驪軒二縣吏民、及郡雜胡、棄惡詣興、興皆安卹、使盡力田、興每所歷、盡竭心力、誠國之良吏、殿下卽位、畱心萬機、苟有毫毛之善、必有賞錄、臣伏緣聖旨、指陳其事、

魏志毋丘儉傳注引魏名臣奏

答文帝問蘇則

金城郡昔爲韓遂所見屠剝、死喪流亡、或竄戎狄、或陷寇亂、戶不滿五百、則到官、內撫凋殘、外鳩離散、今見戶千餘、又梁燒雜種羌、昔與遂同惡、遂斃之後、越出障塞、則前後招懷歸就郡者三千餘落、皆卹已威恩、爲官效用、西平遄演等倡造邪謀、則尋出軍臨其

項頌演卽歸命送質破絕賊糧則既有卹民之效又能和戎狄盡忠效節遭遇聖明有功必錄若則加爵邑誠足曰勸忠臣勵風俗也

魏志蘇則傳注引魏名臣奏

孟康

康字公休安平廣宗人黃初中爲散騎侍郎正始中出爲弘農太守領典農校尉嘉平末徙勸海太守入爲中書令轉中書監封廣陵亭侯有漢書音義若干卷老子注二卷

薦崔林

夫宰相者天下之所瞻效誠宜得秉忠履正本德仗義之士足爲海內所師表者竊見司隸校尉崔林稟自然之正性體高雅之弘量論其所長曰比古人忠直不同則史魚之儔清儉守約則季文之匹也牧守州郡所在而治及爲外司萬里肅齊誠台輔之妙器衮職之良才也

魏志崔林傳

李恩

恩黃初中爲郎中

麻議

呂太史天度與相覆校二年七月三年十一月望與天度日皆差異月蝕加時乃後天六時半非從三度之謂定爲後天過半日也

晉書律
縣志中

程曉

曉字季明東郡東阿人衛尉昱之孫黃初中封列侯嘉平中爲黃門侍郎後爲汝南太守有集二卷

案藝文類聚四有晉程曉詩或晉受禪後其人尚在

或別是一人也俟攷

請罷校事官疏

周禮云設官分職曰爲民極春秋傳曰天有十日人有十等愚不得臨賢賤不得臨貴于是竝建聖哲樹之風聲明試曰功九載攷

績各修厥業思不出位故樂書欲拯晉侯其子不聽死人橫于街
路邠吉不問上不責非職之功下不務分外之賞吏無兼統之勢
民無二事之役斯誠爲國要道治亂所由也遠覽典志近觀秦漢
雖官名改易職司不同至于崇上抑下顯分明例其致一也初無
校事之官干與庶政者也昔武皇帝大業草創眾官未備而軍旅
勤苦民心不安乃有小罪不可不察故置校事取其一切耳然檢
御有方不至縱恣也此霸世之權宜非帝王之正典其後漸蒙見
任復爲疾病轉相因仍莫正其本遂令上察宮廟下攝眾司官無
局業職無分限隨意任情唯心所適法造于筆端不依科詔獄成
于門下不顧覆訊其選官屬曰謹慎爲粗疏曰認詞爲賢能其治
事曰刻暴爲公嚴曰循理爲怯弱外則託天威曰爲聲勢內則聚
羣奸曰爲腹心大臣恥與分勢含忍而不言小人畏其鋒芒鬱結
而無告至使尹模公于日下肆其奸慝罪惡之著行路皆知纖惡

之過積年不聞既非周禮設官之意又非春秋十等之義也今外
有公卿將校總統諸署內有侍中尚書綜理萬機司隸校尉督察
京輦御史中丞董攝宮殿皆高選賢才已充其職申明科詔已督
其違若此諸賢猶不足任校事小吏益不可信若此諸賢各思盡
忠校事區區亦復無益若更高選國士已爲校事則是中丞司隸
重增一官耳若如舊選尹模之奸今復發矣進退推算無所用之
昔桑弘羊爲漢求利卜式已爲獨烹弘羊天乃可雨若使政治得
失必感天地臣恐水旱之災未必非校事之由也曹恭公遠君子
近小人國風託已爲刺衛獻公舍大臣與小臣謀定姜謂之有罪
縱令校事有益于國已禮義言之尙傷大臣之心況奸回暴露而
復不罷是袞闕不補迷而不返也

魏志程昱傳

與傅玄書

文公詠周孔父述殷聲揚千古業垂後嗣

初學記二
十一文章

女典篇

丈夫百行，曰功補過。婦人四教，曰備爲成。婦德闕則仁義廢矣。婦言虧則辭令慢矣。婦工簡則織紉荒矣。是曰禮有功。宮宗室之教，詩有牖下，蘋藻之奠，然後家道諧允。儀表則見于內，若夫麗色妖容，高才美辭，貌足傾城，言曰亂國，此乃蘭形棘心，玉曜凡質，在邦必危，在家必亡。

藝文類聚卷二十三

畢軌

軌字昭先，東平人。文帝時爲太子文學，出爲長史。明帝卽位，徵黃門郎，遷并州刺史。正始中，入爲允從僕射，遷中護軍，轉侍中。尙書司隸校尉，坐曹爽誅。

薦辛毗表

尙書僕射王思，精勤舊吏，亮計略不及辛毗，宜曰毗代思。

御覽

出軍表

輒出軍，已外威比能，內鎮步度根。魏志明帝紀：青龍元年，保塞鮮卑步度根與叛鮮卑軻比能私

史畢軌表。

何晏

晏，字平叔，南陽宛人。大將軍進孫，文帝時，拜駙馬都尉。明帝時，爲冗官，齊王卽位，進散騎侍郎，遷侍中，尋爲吏部尚書，封關內侯。坐曹爽誅，有論語集解十卷，老子道德論二卷，集十一卷。

景福殿賦

大哉惟魏，世有哲聖，武創元基，文集大命，皆體天作制，順時立政。至于帝皇，遂重熙而累盛，遠則襲陰陽之自然，近則本人物之至情。上則崇稽古之弘道，下則闢長世之善經，庶事旣康，天秩孔明。故載祀二三，而國富刑清，歲三月，東巡狩，至于許昌，望祠山川，攷時度方，存問高年，率民耕桑，越六月，旣望，林鍾紀律，大火昏正，桑梓繁廡，大雨時行，三事九司，宏儒碩生，感平濬暑之伊鬱，而慮性

命之所平，惟岷越之不靜，寤征行之未寧，乃昌言曰：昔在肅公，暨于孫卿，皆先識博覽，明允篤誠，莫不曰：爲不壯不麗，不足曰一民而重威靈，不飾不美，不足曰訓後而永厥成。故當時享其功利，後世賴其英聲。且許昌者，乃大運之攸民，圖讖之所應，苟德義其如斯，夫何宮室之勿營？帝曰：俞哉！玄輅旣駕，輕裘斯御，乃命有司，禮儀是具，審量日力，詳度費務，鳩經始之黎民，輯農功之暇豫，因東師之馱捷，就海擘之賄賂，立景福之祕殿，備皇居之制度，爾乃豐層覆之耽耽，建高基之堂堂，羅疏柱之汨越，肅坻鄂之鏘鏘，飛欄翼曰軒翥，反宇欹曰高曠，流羽毛之威蕤，垂環珞之琳琅，參旗九旒，從風飄揚，皓皓肝肝，丹彩煌煌，故其華表則鎬鎬鏘鏘，赫奕章灼，若日月之麗天也；其奧祕則翳蔽曖昧，髣髴退樞，若幽星之纏連也。旣櫛比而攢集，又宏榱曰豐敞，兼苞博落，不常一象，遠而望之，若摘朱霞而耀天文，迫而察之，若仰崇山而戴垂雲，羌瓊璋曰

壯麗紛或或其難分此其大較也若乃高費崔嵬飛宇承霓絳燿
黼黻隨雲融泄鳥企山峙若翔若帶峨峨嶻嶻罔識所屆雖離朱
之至精猶眩曜而不能昭晰也爾乃開南端之豁達張荀虞之輪
幽華鍾杙其高懸悍獸仡已儼陳體洪剛之猛毅聲訇礮其若震
爰有遐狄鏘質輪菌坐高門之側堂彰聖主之威神芸若充庭槐
楓被宸綴已萬年粹已紫榛或已嘉名取寵或已美材見珍結實
商秋敷華青春藹藹萋萋馥馥芬芬爾其結構則脩梁彩制下褰
上竒桁梧複疊勢合形離絕如宛虹赫如奔螭南距陽榮北極幽
崖任重道遠厥庸孔多于是列髣髴之繡栢垂琬琰之文璫螭若
神龍之登降灼若明月之流光爰有禁楸勒分翼張承已陽馬接
已員方斑閒賦白疏密有章飛柳鳥跡雙轅是荷赴險凌虛獵捷
相加皎皎白閒離離列錢晨光內照流景外燧烈若鉤星在漢煥
若雲梁承天騶徒增錯轉縣成郭茹藟倒植吐被芙蓉繚已藻井

編已綵疏紅葩、鞞、丹綺離婁、菡萏、翬、纖、縹、紛、敷、繁、飾、累、巧、不
可勝書。于是蘭栢積重、窶數矩設、櫨、櫨、各、落、已、相、承、樂、拱、天、矯、而
交結、金、櫨、齊、列、玉、舄、承、跋、青、瑣、銀、鋪、是、爲、閨、闈、雙、枚、旣、脩、重、桴、乃
飾、槐、栢、緣、邊、周、流、四、極、侯、衛、之、班、藩、服、之、職、溫、房、承、其、東、序、涼、室
處、其、西、偏、開、建、陽、則、朱、炎、豔、啟、金、光、則、清、風、臻、故、冬、不、淒、寒、夏、無
炎、燁、鈞、調、中、適、可、已、永、年、墉、垣、碣、基、其、光、昭、昭、周、制、白、盛、今、也、惟
縹、落、帶、金、釭、此、焉、二、等、明、珠、翠、羽、往、往、而、在、欽、先、王、之、允、塞、悅、重
華、之、無、爲、命、共、工、使、作、纘、明、五、采、之、彰、施、圖、象、古、昔、已、當、箴、規、椒
房、之、列、是、準、是、儀、觀、虞、姬、之、容、止、知、治、國、之、佞、臣、見、姜、后、之、解、珮
寤、前、世、之、所、遵、賢、鍾、離、之、讜、言、懿、楚、樊、之、退、身、嘉、班、妾、之、辭、輦、偉
孟、母、之、擇、鄰、故、將、廣、智、必、先、多、聞、多、聞、多、雜、多、雜、眩、眞、不、眩、焉、在
在、乎、擇、人、故、將、立、德、必、先、近、仁、欲、此、禮、之、不、訾、是、已、盡、乎、行、道、之
先、民、朝、觀、夕、覽、何、與、書、紳、若、乃、階、除、連、延、蕭、曼、雲、征、櫺、檻、邳、張、鉤

錯矩成楯、類騰蛇、摺侶瓊英、如螭之蟠、如虬之停、玄軒交登、光藻
昭明、騶虞承獻、素質仁形、彰天瑞之休顯、昭遠戎之來庭、陰堂承
北、方軒九戶、右个清宴、西東其宇、連呂永寧、安昌臨圃、遂及百子
後宮、攸處處之斯何、窈窕淑女、思齊徽音、聿求多祐、其祐伊何、宜
爾子孫、克明克哲、克聰克敏、永錫難老、兆民賴止、于南則有承光
前殿、賦政之宮、納賢用能、詢道求中、疆理宇宙、甄陶國風、雲行雨
施、品物咸融、其西則有左城、右平講肄之場、二六對陳、殿翼相當、
僻脫承便、蓋象戎兵、察解言歸、譬諸政刑、將已行令、豈唯娛情、鎮
已崇臺、實曰永始、複閣重闕、倡狂是侯、京庾之儲、無物不有、不虞
之戒、于是焉取爾、乃建凌雲之層盤、浚虞淵之靈沼、清露瀼瀼、淶
水浩浩、樹已嘉木、植已芳草、悠悠玄魚、惟惟白鳥、沈浮翱翔、樂我
皇道、若乃虯龍灌注、溝洫交流、陸設殿館、水方輕舟、篁棲鷗鷺、瀨
戲鰣魴、豐侔淮海、富賑山丘、叢集委積、焉可殫籌、雖咸池之壯觀、

夫何足已比讎于是碣已高昌崇觀表已建城峻廬宮堯岑立崔
嵬鸞居飛閣千雲浮階乘虛遙目九野遠覽長圖頽眺三市孰有
誰無覩農人之耘耔亮稼穡之艱難惟饗年之豐寡思無逸之所
歎感物眾而思深因居高而慮危惟天德之不易懼世俗之難知
觀器械之良窳察俗化之誠僞瞻貴賤之所在悟政刑之夷陂亦
所已省風助教豈惟盤樂而崇侈靡屯坊列署三十有二星居宿
陳綺錯鱗比辛壬癸甲爲之名秩房室齊均堂庭如一出此入彼
欲反忘術惟工匠之多端固萬變之不窮物無難而不知乃與造
化乎比隆讎天地已開基竝列宿而作制制無細而不協于規景
作無微而不違于水臬故其增構如積植木如林區連域絕葉比
枝分離背別趣駢田胥附縱橫踰延各有攸注公輸荒其規矩匠
石不知其所斲旣窮巧于規摹何彩章之未殫爾乃文已朱綠飾
已碧丹點已銀黃爍已琅玕光明熠燿文彩璘班清風萃而成響

朝日曜而增鮮，雖崑崙之靈宮，將何已乎侈旃，規矩既應乎天地，舉措又順乎四時，是已六合元亨，九有雍熙，家懷克讓之風，人詠康哉之詩，莫不優游自得，故淡泊而無所思，歷列辟而論功，無今日之至治，彼吳蜀之湮滅，固可翹足而待之，然而聖上猶孜孜靡武，求天下之所已自悟，招中正之士，開公直之路，想周公之昔戒，慕咎繇之典謨，除無用之官，省生事之故，絕流通之繁禮，反民情于太素，故能翔岐陽之鳴鳳，納虞氏之白環，蒼龍覲于陂塘，龜書出于河源，醴泉涌于池圃，靈芝生于丘園，總神靈之貺祐，集華夏之至歡，方四三皇而六五帝，曾何周夏之足言。文選

奏請大臣侍從游幸

御覽四百五十七
題作表諫齊王

善爲國者，必先治其身，治其身者，慎其所習，所習正則其身正，其身正則不令而行，所習不正，則其身不正，其身不正，則雖令不從，是故爲人君者，所與游必擇正人，所觀覽必察正象，放鄭聲而弗

聽遠佞人而弗近，然後邪心不生，而正道可弘也。季末闇主，不知損益，斥遠君子，引近小人，忠良疏遠，便辟褻狎，亂生近昵，譬之社鼠，攷其昏明，所積已然。故聖賢諄諄，已爲至慮。舜戒禹曰：「鄰哉，鄰哉，言慎所近也。」周公戒成王曰：「其朋其朋，言慎所與也。」詩云：「一人有慶，兆民賴之。」可自今已後，御幸式乾殿及游豫後園，皆大臣侍從，因從容戲宴，兼省文書，詢謀政事，講論經義，爲萬世法。魏志齊王芳紀

祀五郊六宗及厲殃議

月令季春礫攘大儺，非所已祀。皇天也。夫天道不誼，不貳共命。若之何攘之？國有大故，可祈于南郊。至于祈禳，自宜止于山川百物

而已。

通典卷十五

明帝諡議

案外內羣寮議宜曰：「明餘所執，難各不同。」書曰：「三人占，則從二人之言。」傳曰：「善鈞從眾。」今稱明者，可謂眾也。書鈔宋改本九十四諡篇

與夏侯太初難蔣濟叔嫂無服論

夫嫂叔宜服誠自有形然小功章娣姒婦爲嫂叔文則恐未是也禮之正名母婦異義今取弟于姒婦之句已爲夫之昆弟雖省文互體恐未有及此者也凡男女之相服也非有骨肉之親則有尊卑之敬受重之報今嫂叔同班竝列無父子之降則非所謂尊卑也他族之女則非所謂骨肉也是已古人謂之無名者豈謂其無嫂叔之字或無所與爲體也夫有名者皆禮與至尊爲體而交與正名同接也有其體有其交故已其名名之故服之可也苟無斯義其服焉依夫嫂叔之交有男女之別故絕其親授禁其通問家人之中男女宜別未有若嫂叔之至者也彼無尊卑之至敬故交接不可不疏彼無骨肉之不殊故交疏而無服情亦微矣通典九十二

韓白論

此兩將者殆蚩尤之敵對開關所希有也何者爲勝也或曰白起

爲秦將攻城略地功多不可勝數所向無敵前史已爲出奇無窮
欲窺滄海白起爲勝若夫韓信斷幃已覆軍拔旗已流血其已取
勝非復人力也亦可謂奇之又奇者哉白起之破趙軍詐奔而斷
其糧道取勝之術皆此類也所謂可奇于不奇之閒矣安得比其
奇之又奇者哉

青鈔一百十五號文類聚
五十九御覽二百七十三

白起論

白起之降趙卒詐而阬其四十萬豈徒酷暴之謂乎後亦難已重
得志矣向使眾人皆豫知降之必死則張虛捲猶可畏也況于四
十萬被堅執銳哉天下見降秦之將頭顱相山歸秦之眾骸積成
丘則後日之戰死當死耳何忍肯服何城有下乎是爲雖能裁四
十萬之命而適足已彊天下之戰欲已要一朝之功而乃更堅諸
侯之守故兵進而自伐其勢軍勝而還喪其計何者設使趙眾復
合馬服更生則後日之戰必非前日之對也況今皆使天下爲後

日乎其所已終不敢復加兵于邯鄲者非但憂平原之補袒患諸侯之掾至也徒諱之而不言耳若不悟而不諱則毋所已遠智也可謂善戰而拙勝長平之事秦民之十五已上者皆荷戟而向趙矣秦王又親自賜民爵于河內夫已秦之彊而十五已上死傷過半者此謂破趙之功小傷秦之敗大又何稱奇哉若後之役戍不豫其論者則秦眾多矣降者可致也必不可致者本自當戰殺不當受降詐也戰殺雖難降殺雖易然降殺之爲害禍大于劇戰也

史記句起
傳集解

冀州論

略言春秋已來可已海內比而校也恭謹有禮莫賢乎趙襄仁德忠義莫賢乎趙盾納諫服義莫賢乎韓起決危定國莫賢乎狐偃勇謀經國莫賢乎魏絳達讎爲主莫賢乎祈奚延譽先生莫賢乎張老明智識物莫賢乎趙武清直篤義莫賢乎叔向聰明肅恭莫

賢乎羊舌職守信不移莫賢乎荀息見利思義莫賢乎中行穆子
保國扞君莫賢乎先軫書法不諱莫賢乎董狐分詔和戎莫賢乎
鄒克流放能顯莫賢乎冀缺牧幽進滯莫賢乎白季守義死節莫
賢乎欒荅子抗言不屈莫賢乎師曠放而益顯莫賢乎狼臯儒雅
博通莫賢乎董仲舒體恭篤敬莫賢乎石奮才兼文武千金不入
私門莫賢乎竇嬰明君顯賢莫賢乎明叔證主知分莫賢乎貫高
忠義正直莫賢乎鮑子都謇諤忠諫莫賢乎王宏

御覽四百四十七

九州論

冀州北接燕代

初學記八

清河繚總房子好締

御覽八百十八

安平好棗中山好栗魏郡好杏河內好稻眞定好梨共汲好漆

文選

類聚八十六八十七御覽七百六十六九百六十九大觀本草二十二

無爲論

天地萬物皆曰無爲爲本無也者開物成務無往不成者也陰陽
恃曰化生萬物恃曰成形賢者恃曰成德不肖恃曰免身故無之
爲用無爵而貴矣

晉書王衍傳何晏王弼等祖述老莊立論云云

无名論

爲民所譽則有名者也無譽无名者也若夫聖人名无名譽无譽
謂无名爲道无譽爲大則夫无名者可曰言有名矣无譽者可曰
言有譽矣然與夫可譽可名者豈同用哉此比于无所有故皆有
所有矣而于无所有之中當與无所有相從而與夫有所有者不
同同類无遠而相應異類无近而不相遠譬如陰中之陽陽中之
陰各曰物類自相求從夏日爲陽而夕夜遠與冬日共爲陰冬日
爲陰而朝晝遠與夏日同爲陽皆異于近而同于遠也詳此異同
而後无名之論可知矣凡所曰至于此者何哉夫道者惟无所有
者也自天地已來皆有所有矣然猶謂之道者曰其能復用无所

有也故雖處有名之域而沒其无名之象由己在陽之遠體而忘其自有陰之遠類也夏侯玄曰天地曰自然運聖人曰自然用自然者道也道本无名故老氏曰強爲之名仲尼稱堯蕩蕩无能名焉下云巍巍成功則強爲之名收世所知而稱耳豈有名而更當云无能名焉者邪夫惟无名故可得徧曰天下之名名之然豈其名也哉唯此足喻而終莫悟是觀泰山崇崛而謂元氣不浩芒者也

列子仲尼篇注

論語集解敘

敘曰漢中壘校尉劉向言魯論語二十篇皆孔子弟子記諸善言也太子太傅夏侯勝前將軍蕭望之丞相韋賢及子玄成等傳之齊論語二十二篇其二十篇中章句頗多于魯論琅琊王卿及膠東庸生昌邑中尉王吉皆曰教授故有魯論有齊論魯共王時嘗欲曰孔子宅爲宮壞得古文論語齊論有問王知道多于魯論二

篇古論亦無此二篇分堯曰下章子張問已爲一篇有兩子張凡
二十一篇篇次不與齊魯論同安昌侯張禹本受魯論兼講齊說
善者從之號曰張侯論爲世所貴包氏周氏章句出焉古論唯博
士孔安國爲之訓解而世不傳至順帝時南郡太守馬融亦爲之
訓說漢末大司農鄭玄就魯論篇章攷之齊古爲之注近故司空
陳羣太常王肅博士周生烈皆爲義說前世傳授師說雖有異同
不爲訓解中間爲之訓解至于今多矣所見不同互有得失今集
諸家之善記其姓名有不安者頗爲改易名曰論語集解光祿大
夫關内侯臣孫邕光祿大夫臣鄭沖散騎常侍中領軍安鄉亭侯
臣曹羲侍中臣荀顗尙書駙馬都尉關内侯臣何晏等上

唐石經
論語

瑞頌

若稽古帝魏武濟哲欽明文思罄民生之俊德懿前烈之極休先
天而天弗違後天而奉天時聿迪明命肇啟皇基夫居高聽卑乾

之紀也。靡德不酬，坤之理也。故靈符頻繁，眾瑞仍章。通政辰修，玉燭告祥。和風播烈，景星揚光。應龍遊于華澤，鳳鳥鳴于高岡。麒麟依于國籍，彪虎類于圻疆。鹿之麋麋，載素其色。雉之朝雉，亦白其服。交交黃鳥，信我中雷。條條嘉苗，吐穎田疇。蘇文類聚卷九十八

斫猛獸刀銘

徒搏不兵，作戒宣巨。用造斯器，螭獸是劉。制禽允良，昏明亶時。永釐厥後，蠲民之災。蘇文類聚卷六十一，又初學記二十二，引斬虎刀銘云：用造斯器，螭虎是斬。類聚避諱，改虎為猛獸耳。

賜進士出身二品銜廣東等處提刑按察使司按察使兼管驛傳事務黃岡王毓藻校刊